



Broj: 01- 599 /25

Sarajevo: 29. 12. 2025. godine

Šemsudin Mehmedović

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 29-12-2025			
Organizaciona jedinica	Klasifikaciona oznaka	Radni broj	Broj priloga
01-	10-1-	2831	125

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23, 50/24 i 56/25) postavljam sljedeće

**ZASTUPNIČKA PITANJA ZA
VIJEĆE MINISTARA BOSNE I HERCEGOVINE**

1. Zašto Vijeće ministara Bosne i Hercegovine (u daljnjem tekstu: Vijeće ministara) ne poštuje zakone Bosne i Hercegovine u pogledu ravnopravnosti jezika i pisama, budući da su skoro sve objave na zvaničnom X nalogu Vijeća ministara (raniji Tweeter) na hrvatskom jeziku (i engleskom, koji čak nije ni zvanični jezik u Bosni i Hercegovini)?
2. Zašto su na ovom zvaničnom komunikacijskom kanalu Vijeća ministara potpuno zanemareni bosanski i srpski jezik, kao i ćirilica?
3. Zašto je Vijeće ministara dozvolilo da zvanični X nalog Vijeća ministara bude zloupotrijebljen i privatiziran, s obzirom na to da su na istom nalogu ponovo objavljene, odnosno „reposted“ objave s privatnog X profila predsjedavajuće Borjane Krišto i ministra pravde Davora Bunoze? Također su „reposted“ objave s profila ministarstava kojima rukovode kadrovi HDZ-a - ministrica civilnih poslova Dubravka Bošnjak i zamjenik ministra sigurnosti Ivica Bošnjak?
4. Zašto su na istom zvaničnom X nalogu, u periodu od 1. juna do 28. decembra 2025. godine također sve objave koje se odnose na sjednice Vijeća ministara, ukupno 39, također na hrvatskom jeziku?
5. Hoće li Vijeće ministara utvrditi ko je odgovoran za ovakvu zloupotrebu zvaničnog komunikacijskog kanala i sankcionirati odgovorne?

Obrazloženje

Bosanski, hrvatski i srpski jezik su, kao službeni jezici, u ravnopravnoj upotrebi u Bosni i Hercegovini, a službena pisma su latinica i ćirilica. Sramotno je da je na zvaničnom X nalogu Vijeća ministara u periodu od 1. juna do 28. decembra 2025. godine objavljeno ukupno 113 objava i apsolutno sve su na latinici, i to:

- 85 objava na hrvatskom jeziku,
- 24 objave na engleskom jeziku,

- 4 objave na ostalim jezicima (bosanskom ili srpskom).

Samo 39 objava ili 34%, od ukupno 113, odnosi se na sjednice Vijeće ministara. Ostale objave su u najvećem mjeri „reposted“ sa privatnog X naloga predsjedavajuće Borjane Krišto.

Evidentno je da zvanični X nalog Vijeća ministara zloupotrebljavaju i ostali članovi Vijeća koji su kadrovi HDZ-a, npr. ministar pravde Davor Bunoza. Tri objave ministra Bunoze su „reposted“ sa njegovog privatnog X naloga.

Ostale preuzete ili „reposted“ objave su sa naloga institucija kojima rukovode: ministrica civilnih poslova Dubravka Bošnjak (šest objava) i zamjenik ministra sigurnosti Ivica Bošnjak (četiri objave). Da informacija bude potpuna, treba dodati i po jednu „reposted“ objavu ministarstava na čijem su čelu ministar komunikacija i prometa Edin Forto i ministar za ljudska prava i izbjeglice Sevlid Hurić.

Očito se radi o namjernoj zloupotrebi i privatiziranju zvaničnog X naloga Vijeća ministara Bosne i Hercegovine, uz potpuno favoriziranje hrvatskog jezika, a zanemarivanje bosanskog i srpskog jezika, kao i ćirilice, zvaničnog pisma u Bosni i Hercegovini.

S poštovanjem,

ZASTUPNIK PS BiH
Šemsudin Mehmedović

